

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH”, broj: 15/05), i Programa podrške investicijskim projektima u cilju zapošljavanja povratnika broj: 03-36-2-51/17 od 07.03.2017. godine, a u cilju planiranja, kvalitetne izrade i transparentne provedbe planova pomoći održivog povratka, u 2017. godini Federalno ministarstvo raseljenih osoba i izbjeglica objavljuje

**JAVNI POZIV**  
**za učešće u Programu podrške investicijskim projektima**  
**u cilju zapošljavanja povratnika**

**I - PREDMET JAVNOG POZIVA**

Predmet javnog poziva je prikupljanje Prijava za odabir korisnika nepovratnih finansijskih sredstava koja će korisnik koristiti za sufinansiranje projekata izgradnje i rekonstrukcije poslovnih objekata, nabavku osnovnih i obrtnih sredstava, opreme i alata i investicije uz obavezu zapošljavanja određenog broja povratnika.

**II – PRAVO NA DODJELU SREDSTAVA**

(1) Pravo na dodjelu sredstava imaju sljedeća pravna i fizička lica:

**a) Privredni subjekti registrirani po važećim zakonskim propisima na teritoriji Bosne i Hercegovine: mikro, mala i srednja preduzeća, u većinskom vlasništvu državljana BiH, koja danom apliciranja u radnom odnosu imaju minimalno pet (5) zaposlenika, i koja će zaposliti najmanje (5) novih zaposlenika iz kategorije povratnika na osnovu ovog Programa.**

**b) Obrtnici registrirani po važećim zakonskim propisima na teritoriji Bosne i Hercegovine, koji danom apliciranja u radnom odnosu imaju minimalno tri (3) zaposlenika, i koji će zaposliti najmanje tri (3) nova zaposlenika iz kategorije povratnika na osnovu Programa.**

**c) Pravna lica i obrtnici iz dijaspore, koji će zaposliti određen broj povratnika.**

(2) Pravo na dodjelu sredstava imaju pravna i fizička lica iz stava (1) ovog člana ako imaju sjedište ili registrovanu poslovnu jedinicu na području:

(1) Općine entiteta Republika Srpska: Banja Luka, Kostajnica/Bosanska Kostajnica, Kozarska Dubica/Bosanska Dubica, Gradiška/Bosanska Gradiška, Novi Grad/Bosanski Novi, Kotor Varoš, Prijedor, Prnjavor, Teslić, Han Pijesak, Foča, Novo Goražde, Sokolac, Rogatica, Rudo, Višegrad, Nevesinje, Gacko, Srebrenica, Bratunac, Milići, Osmaci, Vlasenica, Ugljevik, Lopare, Bijeljina, Zvornik, Pelagićevo, Brod/Bosanski Brod, Šamac/Bosanski Šamac, Modriča, Vukosavlje, Derventa i Doboj.

Općine entita Federacija BiH: Busovača, Gornji Vakuf/Uskoplje, Jajce, Čapljina, Prozor/Rama, Stolac, Bosansko Grahovo, Drvar, Glamoč, Livno, Doboj Jug, Olovo, Vareš, Usora, Zavidovići, Žepče, Čelić, Doboj Istok, Kalesija, Sapna, Teočak, Odžak, Foča (FBiH), Pale (FBiH), Ključ, Sanski Most, Bosanski Petrovac i Bosanska Krupa.

(2) Izuzetno, pravna i fizička lica iz stava (1) alineja c) ovog člana, ako to pismom namjere dokažu, također imaju pravo na dodjelu sredstava, na područjima navedenim u stavu (2) ovog člana.

(3) Ukoliko podnosilac prijave ne ispunji naprijed navedene uslove, prijava neće biti uzeta u dalje razmatranje.

**III – NAMJENA UTROŠKA SREDSTAVA**

(1) Nepovratna sredstva mogu se koristiti za:

- a) izgradnju i rekonstrukciju poslovnih objekata;
- b) nabavku osnovnih sredstava;
- c) nabavku opreme i alata;
- d) ulaganje u obrtna sredstva do 20% od ukupne vrijednosti investicije.

(2) Svako korištenje odobrenih sredstva suprotno namjenama utvrđenim stavom 1. ovog člana smatra se nenamjenskim.

**IV – CILJEVI KOJI SE ŽELE POSTIĆI**

(1) Ciljevi koji se žele postići su:

Ekonomska održivost povratnika kroz zasnivanje radnog odnosa.

Pravna i fizička lica koji budu korisnici Programa, status zaposlenika iz kategorije povratnika će dokazivati sljedećim dokumentima, koje će nakon potpisivanja ugovora i zapošljavanja istih, biti u obavezi dostaviti Ministarstvu:

- Potvrda nadležne općinske službe o statusu povratnika, ne starija od 30 dana;
  - Izvještaj iz CIPS evidencije o stalnom mjestu prebivališta, ne stariji od 30 dana;
  - Lista osiguranih lica obveznika za predhodni mjesec u odnosu na dan dostave dokaza novouposlenim, izdata od nadležne poreske uprave. Ova lista mora biti uvećana za broj jednak broju novouposlenih po Programu u odnosu na Listu dostavljenu na dan prijave na Javni poziv.
- (2) Korisnici pomoći su dužni novouposlene radnike/povratnike, zadržati u stalnom radnom odnosu **minimalno 36 mjeseci** od dana zapošljavanja.

#### V – IZNOS SREDSTAVA ZA DODJELU

- (1) Sredstva za namjene iz tačke 3. ovog Poziva dodjeljivat će se u iznosu koji je srazmjern broj novozaposlenih povratnika koje će korisnik zaposliti, a maksimalan iznos ne može biti veći od 300.000,00 KM;
- (2) Osnovica za dodjelu grant sredstava korisnicima pomoći za program podrške investicijskim projektima u cilju zapošljavanja povratnika iznosit će 15.000,00 KM po jednom novouposlenom radniku, što čini koeficijent 1;
- (3) Koeficijenti za dodjelu grant sredstava korisniku se utvrđuju na osnovu privrednog sektora u kojem će novouposleni (povratnik) raditi, razvrstani prema strukturi Klasifikacije djelatnosti KD BiH 2010 po područjima i oblastima djelatnosti, **od 0,6 do 1**;  
*(KD BiH 2010 Klasifikacija djelatnosti BiH 2010, broj: 1337/10 od 18. maja 2010. godine, izdaje Agencija za statistiku Bosne i Hercegovine, Sarajevo 2010 - <http://www.fzs.ba/Reg/KDBiH2010-bosanski.pdf>).*
- (4) Troškovi koji se priznaju odnose se isključivo na direktne troškove nastale realizacijom namjene definisane u članu 3. ovog Javnog poziva. U navedene troškove, mogu spadati i troškovi garancije korisnika

#### VI – NAČIN PRIJAVE I POTREBNA DOKUMENTACIJA

- (1) Kandidat prilikom prijave na Javni poziv obavezno dostavlja:
  - a) **PRIJAVNI OBRAZAC** (popunjen), koji čini sastavni dio ove aplikacije koji se može dobiti u Ministarstvu ili putem web stranice Ministarstva.
  - b) **FINANSIJSKI PLAN ULAGANJA U INVESTICIJU** (popunjen), koji čini sastavni dio ove aplikacije i koji se može dobiti u Ministarstvu ili putem web stranice Ministarstva.
  - c) **OBAVEZNU DOKUMENTACIJU**:
    1. Rješenje o registraciji. Original ili ovjerena kopija. Ovjera ne starija od 3 mjeseca;
    2. Dokaz da je podnosilac prijave **pokrenuo proces registracije biznisa**, (dokaz ne stariji od 3 mjeseca original ili ovjerena kopija) – ili **Pismo namjere** podnosioca prijave da će u periodu do 3 mjeseca od dana obavijesti od strane Ministarstva pokrenuti biznis (dokaz ne stariji od 30 dana, original ili ovjerena kopija) – samo za podnosioca prijave iz člana 2. Stav (1) alineja (c) ovog poziva;
    3. **Uvjerenje/potvrdu** o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdata od Poreske uprave ne starije od tri mjeseca od dana podnošenja prijave;
    4. **Lista osiguranih lica** za obveznika za predhodni mjesec u odnosu na prijavu na javni poziv, izdata od Poreske uprave;
    5. Biznis plan, projekat/program za djelatnost, ili sažetak projekta/programa sa priloženim dokazima o **vrijednosti investicije-ulaganja**, postojećoj imovini i resursima potrebnim za djelatnost, kao što su: zemljište, objekti i druga materijalna sredstva, te posebnim obrazloženjem očekivanih rezultata u slučaju realizacije projekta i procjenom mjerljivih efekata koji idu u prilog stvaranju preduslova za zapošljavanje povratnika;
    6. **Izjava** o spremnosti stalnog zapošljavanja, novih radnika/povratnika, sa navođenjem tačnog broja radnika/povratnika koje će uposliti, na minimalan period od 36 mjeseci (ovjerena kod nadležnog općinskog organa);
    7. Neki od **važćih dokumenata** kojim se dokazuje da podnosilac prijave ima sjedište ili prebivalište u **dijaspori ili je povratnik iz dijaspore** u periodu **od 12 mjeseci** od dana objavljivanja Javnog poziva (lica iz Bosne i Hercegovine koja privremeno rade ili borave u inostranstvu ili su privremeno radila ili boravila u inostranstvu) – samo za podnosioca prijave iz člana 2. stav (1) alineja c) ovog javnog poziva.

#### Napomena:

- Kandidati iz dijaspore koji su u procesu registracije biznisa ili imaju namjeru da registruju biznis u Bosni i Hercegovini, što dokazuju Pismom namjere, nisu uz prijavu u obavezi dostaviti dokumentaciju pod rednim brojem: 1, 3, 4 i 5. Navedeni kandidati po okončanju registracije biznisa će biti u obavezi u roku od 15 dana od dana registracije, dostaviti nedostajuću obaveznu dokumentaciju.
- Kandidati su u obavezi dostaviti predračune sa specifikacijom troškova, izdati od subjekta od kojeg se planira nabaviti oprema, alati, obrtna sredstva, kao i za izvođenje radova na izgradnji i rekonstrukciji poslovnog objekta.

d) **DOKUMENTACIJU ZA BODOVANJE:**

1. Potvrda/uvjerenje izdata od nadležne institucije kojom se dokazuje da zaposlenik pripada definisanim ranjivim kategorijama (invalidi, demobilisani borci, članovi šehidske porodice/podrođice poginulih boraca, osobe sa posebnim potrebama);
2. Izjava o ranijem korištenju grant sredstava Federalnog ministarstva raseljenih osoba i izbjeglica, potpisana i ovjerena kod notara ili nadležnog općinskog organa, ne stariji od 30 dana od dana podnošenja prijave na javni poziv (jasno navesti vrstu pomoći i iznos korištenih sredstava);
3. Izjava korisnika o trenutnom broju zaposlenika iz kategorije povratnika, potpisana, uz priložene: Uvjerenje o pripadnosti povratničkoj populaciji za stalno uposlene radnike ukoliko ih imaju na evidenciji uposlenih i Izvještaj iz CIPS evidencije o stalnom mjestu prebivališta. Uvjerenje i Izvještaj CIPS trebaju biti izdati od nadležnih organa i ne smiju biti stariji od 30 dana od dana prijave na javni poziv;
4. Izjava o spremnosti sufinansiranja projekta/ investicije iz vlastitih sredstava, izraženo u ukupnom iznosu u KM, u odnosu na ukupna ulaganja/ investiciju (ovjerena kod nadležnog općinskog organa);
5. Dokumenti uz finansijski plan kojima se dokazuje obezbjeđenje sredstava za investiciju iz drugih izvora, ne uključujući vlastita sredstva, kao niti sredstva koja se planiraju dobiti od Federalnog ministarstva raseljenih osoba i izbjeglica;
6. Preporuka lokalne zajednice Izdata od strane općine u kojoj se realizuje investicija;
7. Izjava – narativni opis dosadašnjih aktivnosti u procesu povratka podnosioca prijave, s posebnim osvrtom na doprinos koji je postignut u segmentu zapošljavanja povratnika (dostaviti dokaz za opisane aktivnosti).

(1) Podnosilac prijave obavezno popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesениh navedениh podataka. Samo ovako unesени podaci će se koristiti prilikom vrednovanja prijave.

(2) Neodgovarajuće i neblagovremene prijave neće se razmatrati.

(3) Prijave na Javni poziv će se bodovati na osnovu dostavljenog Prijavnog obrasca, Finansijskog plana ulaganja u investiciju, uz uvid u priloženu dokumentaciju. *U slučaju ne slaganja podataka u Prijavnom obrascu, Finansijskom planu i priloženoj dokumentaciji, relevantnim će se smatrati podaci iz priložene dokumentacije, u kojem slučaju postoji mogućnost da se takva prijava dalje ne razmatra zbog neuredosti.*

(4) Sve dodatne informacije vezane za Javni poziv mogu se dobiti svakim radnim danom na brojeve telefona: 033/201-756 i 033/215-084.

(5) Rok za dostavu prijave je **21 dan** od dana objavljivanja javnog poziva u dnevnim novinama.

## VII - NAČIN IZBORA KORISNIKA

- 1) Izbor korisnika po osnovu ovog Javnog poziva će vršiti Komisija.
- 2) Komisija će razmatrati prijave u skladu sa Programom podrške investicijskim projektima u cilju zapošljavanja povratnika broj:03-36-2-51/17 od 07.03.2017. godine.

## VIII – NAČIN PODNOŠENJA PRIJAVA NA JAVNI POZIV

Dostavljanje prijave na Javni poziv se vrši preporučeno poštom ili lično, u zapečaćenoj koverti na adresu:

**Federalno ministarstvo raseljenih osoba i izbjeglica  
Alipasina 41, 71000 Sarajevo**

**„Prijava na Javni poziv za učesće u Programu podrške investicijskim projektima u cilju  
zapošljavanja povratnika”**

(Na poledini kovertе navesti ime i prezime podnosioca i tačnu adresu)

**Javni poziv ostaje otvoren 21 dan od dana objavljivanja**

Dodatne informacije mogu se dobiti na brojeve telefona: 033/201-756 i 033/215-084.

Preliminarne, a nakon provedenog žalbenog postupka i konačne rang liste, po ovom Javnom pozivu će biti objavljene na web stranici Federalnog ministarstva raseljenih osoba i izbjeglica, a obavijest o donošenju istih u dnevnim novinama u kojima je objavljen i ovaj Javni poziv.

MINISTAR

dr. sci. Edin Ramić